

**PEMBERITAHUAN PERTANYAAN BUKAN JAWAB LISAN  
DEWAN RAKYAT**

**PERTANYAAN : BUKAN JAWAB LISAN**

**DARIPADA : TUAN CHE MOHAMAD ZULKIFLY BIN JUSOH  
[ SETIU ]**

**RUJUKAN : 9423**

**SOALAN:**

**Tuan Che Mohamad Zulkifly bin Jusoh [ Setiu ] minta MENTERI DALAM NEGERI menyatakan jumlah tahanan banduan serta 'trend' kes berulang sejak lima tahun ini.**

**JAWAPAN:**

**Untuk makluman, statistik Jabatan Penjara pada 4 Oktober 2016 menunjukkan seramai 51,022 banduan sedang ditahan dan menjalani hukuman di penjara-penjara seluruh Malaysia. Daripada jumlah tersebut seramai 35,339 adalah banduan sabitan manakala 15,683 adalah banduan bukan sabitan (reman).**

**Berasaskan formula pengiraan kemasukan semula (residivis) yang ditetapkan oleh pakar dan ahli akademik, kadar residivis ke dalam penjara berada di bawah 9% sejak 5 tahun kebelakangan ini. Keberkesanan pemulihan yang diberikan kepada banduan memainkan peranan penting untuk mengurangkan lagi kadar kemasukan semula banduan yang telah dibebaskan ke penjara. Penambahbaikan program pemulihan dalam penjara serta program pemulihan di luar penjara seperti Sistem Parol, Rumah Perantaraan, Pusat Pemulihan Pemasyarakatan dan Perintah Kehadiran Wajib yang mula dilaksanakan secara aktif mulai tahun 2009 didapati telah menjadi penyumbang utama kepada penurunan kadar residivis berkenaan.**

**Jabatan Penjara juga melalui Pelan Pembangunan Insan sentiasa berusaha meningkatkan latihan dan pemulihan yang diberikan kepada penghuni agar mereka benar-benar insaf, pulih, terlatih, berkemahiran, boleh berdikari dan tidak mengulangi kesalahan.**